



Bab : Aqeeda / Iman / Shirk

Fasl : Bidaat / Rusumaat

Sawal No : 331

Upload Date : 06-07-2025

Topic : Muharram Ki Rusumaat

Sawal : Hazrat Husen (Radiyallahu Anhu) Ki Shahadat E Uzma Par Rasme Taziya Dari, Siyah Posh Hona (Kale Kapde Pehenna) Nange Sar Hona, Sar Me Khak (Mitti) Dalna, Sar Ko Pitna, Aur Sar Ko Tel Wagaira Se Khushk Rakhna, Matam Karna, Vavela Karna, Noha Karna, Marsiye Gana, Jis Me Buzurgan E Din Ki Tohin Hoti Ho, Chilla Chilla Kar Rona, Alam Nikalna, Bachcho Ko Qaidi Faqir Banana, Taziya Gah Me Tilawate Kalam E Pak Karna Aur Mannate Manna, Duldul Ko Gae (Cow) Ka Dudh Aur Jalebi Khilana, Dhol-Tashe Bajana, Ahle Sunnat-WI-Jamat Ke Nazdik Is Ki Asal Kya Hai ?

Jawab : Hazrat Husen (Radiyallahu Anhu) Ki Shahadat Yaqinan Ek Dardnak Hadisa Hai, Aur Khandane Nubuwwat Se Aqeedat Aur Mawaddat (Muhabbat) Ka Talluq Rakhne Walo Ke Liye Ruh-Farsa (Dil Ke Tukde Karne Wala) Waqia Hai, Sab Ko Is Se Ibrat Hasil Karna Lazim Hai, Ke Haq Par Kis Tarah Qaim Rehna Chahiye, Kisi Jabir (Zalim) Taqat Ke Samne Jhukne Se Jame-Shahadat Nosh Karne Ka Maqam Bahut Buland Hai.

■ Lekin Ye Intihai Bad-Qismati Aur Hirman-Nasibi (Bad-Bhakhti) Hai, Ke Jur'at Aur Haq-Goi (Haq Bat Kehna) Ka

Sabaq Hasil Karne Ki Jagah Par In Jahilana Aur Zanana Marasim (Ladies Function) Ne Qabza Kar Liya Hai, Aur Ab Inhi Ke Zariye Haqq E Wafadari Ada Kiya Jata Hai.

■ Aur Mazkura Sawal Me Baz Chize Makrooh Hai, Baz Bidate-Sayyia (Buri Bad'at) Hai, Baz Haram Hai, Baz Darja E Shirk Tak Pohchi Hui Hai.

■ Ahle Sunnat-WI-Jamat Se In Ka Koi Rabt (Ta'lluk) Nahi Hai, Ye Rawafiz (Shiya) Ka Shiar (Symbol) Hai, In Ki Sohbat Ka Asar Be-Ilm Ya Be-Amal Ahle Sunnat-WI-Jamat Me Bhi Phel Gaya Hai, Inka Band Karna Zaruri Hai. (Fatawa Mahmoodiyah - 3/277) Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER